

## શ્રીકીર્તિસુન્દરગણિકૃત અશ્રયકુમાર ચૌપાઈ

સં. મુનિ ધર્મકીર્તિવિજય

ખરતરગચ્છીય શ્રીજિનભદ્રસૂરિજીની શાખામાં આવતા, કાન્હજીના ઉપનામથી પ્રસિદ્ધ એવા શ્રીકીર્તિસુન્દરગણિએ સંવત ૧૭૫૯માં જયતારણિપુર નામના ગામમાં શ્રીજિનચન્દ્રસૂરિજીની નિશ્રામાં આ ચૌપાઈની રચના કરી છે. આ ચૌપાઈ અઘાવધિ અપ્રકાશિત<sup>૧</sup> છે. ખરતરગચ્છમાં આજે જે સાહિત્ય ઉપલબ્ધ છે, તેના કર્તાઓમાં મહાકવિ જિનહર્ષગણિ, સમયસુન્દર ઉપાધ્યાય, ગુણવિનય ઉપાધ્યાય, ધર્મવર્દ્ધન ઉપાધ્યાય- આ નામો મુખ્ય છે. તેમાંના ધર્મવર્દ્ધન ઉપાધ્યાયજીના શિષ્ય કીર્તિસુન્દરગણિએ આ રચના કરી છે. આ ગ્રન્થના કર્તા જિનભદ્રસૂરિજીની પરમ્પરામાં આવતા વિમલકીર્તિગણિ - વિજયહર્ષગણિ - ધર્મવર્દ્ધન ઉપાધ્યાયજીના શિષ્ય છે. તેઓ દ્વારા રચિત સાહિત્યની ટૂંકી નોંધ **ખરતરગચ્છ સાહિત્યકોશ**ના આધારે આ પ્રમાણે છે :

વિમલકીર્તિગણિ-દશવૈકાલિકસૂત્ર સ્તબક, ઉપદેશમાલા સ્તબક, કલ્પસૂત્ર ટીકા સામાચારી, ચન્દ્રદૂત (મેઘદૂતની પાદપૂર્તિ), જય તિહુઅણ સ્તોત્ર બાલાવબોધ, પદવ્યવસ્થા બાલાવબોધ, બારવ્રત રાસ, યશોધર રાસ, શ્રેણિક ચૌપાઈ, इत्यादि.

વિજયહર્ષગણિ- અઢી દ્વીપ સ્તવન, ગોડી લોદ્રવા પાર્શ્વજિન સ્તવન.

ધર્મવર્દ્ધન ઉપાધ્યાય- અમરકોશ ટીકા, જિનસ્તવન ચોવીશી, અમરસેન વયરસેન ચૌપાઈ, ભિન્ન ભિન્ન સ્તોત્ર, દૃષ્ટાન્ત છત્રીસી, વિશેષ છત્રીસી, દમ્ભ ક્રિયા ચૌપાઈ, દશાર્ણભદ્ર ચૌપાઈ, પ્રશ્નમય કાવ્ય, વ્યાકરણસંજ્ઞા સ્તોત્ર, સમસ્યામય સ્તોત્ર, અનેક પાર્શ્વનાથ સ્તોત્ર - इत्यादि.

કીર્તિસુન્દર ગણિ- અવન્તી સુકુમાલ ચૌઢાલિયા, કલ્પસૂત્ર ટીકા - કલ્પ સુબોધિકા, માંકડરાસ, જ્ઞાનછત્રીસી, કૌતુક પચ્વીસી, વાગ્વિલાસકથા સંગ્રહ, ફલ્લોધી પાર્શ્વનાથસ્તવન - इत्यादि.

૧. મહો. વિનયસાગરજી સમ્પાદિત - **ખરતરગચ્છ સાહિત્યકોશ**.

આ चौपाईના અન્તે પ્રશસ્તિ છે. તેમાં સાધુકીર્તિ અને સાધુસુન્દર એમ બે નામ આવે છે. તેઓ શ્રીજિનભદ્રસૂરિની શાખામાં પદ્મમેરુ-મતિવર્દન-મેરુતિલક-દયાકલશ-અમરમાણિક્ય- તેમના શિષ્ય સાધુકીર્તિગણિ છે. તેમના શિષ્ય સાધુસુન્દર છે. તેમાં સાધુકીર્તિગણિ સંઘપટ્ટક ઉપર અવચૂરિ (પ્રાકૃત શબ્દોના સમસંસ્કૃત શબ્દોના સંગ્રહસ્વરૂપ) તેમજ સત્તરભેદી પૂજા રચી છે. જ્યારે સાધુ સુન્દર ગણિ ઉક્તિરત્નાકર, ધાતુપાઠ ઉપર ધાતુરત્નાકર, જેસલમેર દુર્ગસ્થ પાર્શ્વનાથ સ્તુતિ ઇત્યાદિની રચના કરી છે.

આ चौपाई રાજસ્થાની ભાષામાં છે. चौपाईમાં ૧૨ ઢાલો છે. તત્ર ૧ ઢાલ-૨૨ ગાથા, ૨-૨૫, ૩-૧૭, ૪-૩૨, ૫-૨૯, ૬-૨૦, ૭-૨૬, ૮-૨૧, ૯-૧૯, ૧૦-૨૦, ૧૧-૧૬, ૧૨-૧૫ - એમ ૨૬૬ ગાથા છે.

આ ઢાલ કેવી રીતે ગાઈ શકાય તેની જાણ માટે ગ્રન્થકર્તાએ જૂની-પ્રચલિત દેશી ઢાલની પ્રથમ પંક્તિ મૂકી છે. આના ઉપરથી ગ્રન્થકર્તા સંગીતશાસ્ત્રના જાણકાર તેમજ સાહિત્યરસિક હશે એવું અનુમાન કરી શકાય છે. આ चौपाईમાં શિવમુનિ, સુવ્રતમુનિ, ધનમુનિ, જોનકમુનિ તેમજ અભયકુમારનું સંક્ષિપ્ત જીવન દર્શન કરવામાં આવ્યું છે. તત્ર-

**પ્રથમ ઢાલ-** શ્રેણિકમહારાજા ભગવંતને પોતાની ગતિ વિષયક પ્રશ્ન પૂછે છે. તેના જવાબમાં વીરપ્રભુ શ્રેણિકરાજાને નરકગતિ, તેના નિવારણરૂપ કપિલાદાસી દાન આપે, કાલસૌકરિક પાડાનો વધ ન કરે - એમ જણાવે છે. ત્યારબાદ ભાવિ પ્રથમ તીર્થંકર થશે- ઇત્યાદિ વર્ણન કરાયું છે.

**દ્વિતીય ઢાલ-** શ્રેણિક મહારાજાના સમક્તિની પરીક્ષા માટે દેવ ગર્ભવતી સાધ્વીજીનું રૂપ ધારણ કરે છે, છતાં પણ શ્રેણિકરાજા વન્દન કરે છે. દેવ પ્રત્યક્ષ થઈ ૨ ગોલા અને એક હાર ભેટ રૂપે આપે છે. શ્રેણિકરાજા ચેલણાદેવીને હાર અને સુનન્દાદેવીને ૨ ગોલા ભેટ આપે છે - ઇત્યાદિ વર્ણન છે.

**ત્રીજી ઢાલ-** રાજા અભયકુમારને આદેશ કરે છે- ચેલણાદેવીના ઓવાયેલા હારને સાત દિવસમાં શોધી લાવ અન્યથા સજા થશે. તપાસ કરવા છતાં હાર મળતો નથી. અન્તે સાતમા દિવસે આઠમ હોવાથી પૌષધ કરે છે. ધ્યાનસ્થ સુસ્થિતસૂરિજીના કંઠે હાર દેખી શિવમુનિના મુખમાંથી 'ભય' એવું વચન નીકળે છે. - ઇત્યાદિ.

**ચોથી ઢાલ-** અભયકુમારના આગ્રહથી શિવમુનિ 'ભય' વચન બોલવાના સન્દર્ભમાં પોતાના જીવનવૃત્તાન્ત રૂપ શિવ અને શિવદત્ત નામના બે બન્ધુઓનું કથાનક જણાવે છે. ધનથી થતા અનર્થો દેખાડી સંવેગપૂર્વક દીક્ષા અંગીકાર કરી इत्यादि.

**પાંચમી-છઠ્ઠી ઢાલ-** બીજા પ્રહરમાં સેવા કરવા આવેલ સુવ્રતમુનિ પળ ગુરુજીના કંઠે હાર દેખી ભયभीત બને છે. તેમના મુખમાંથી સહસા 'મહાભય' એવું વચન સરી પડે છે. અભયકુમારના પૂછવાથી સુવ્રતમુનિ પોતાની કથા વર્ણવે છે. આમાં વિશેષતઃ સ્ત્રીના કુટિલ ચરિત્રની વાત છે.

**સાતમી ઢાલ-** સૂરિજીના કંઠે હાર દેખી ધનમુનિના મુખેથી 'અતિભય' શબ્દ બોલાય છે. તેના સમ્બન્ધમાં સ્વજીવનકથા કહે છે. અન્તે અવિશ્વસનીય અને નિન્દનીય સ્ત્રીવ્યવહાર જાણી સંયમ ગ્રહણ કરે છે.

**આઠમી-નવમી ઢાલ-** ચતુર્થપ્રહરે સેવા કરવા આવેલ જોનકમુનિ સૂરિજીના કંઠે હાર દેખી વ્યાકુલ બની જાય છે. અને 'ભયાતિભય' એમ બોલે છે. તેના અનુસન્ધાનમાં શ્રીમતી નામની પોતાની સ્ત્રીનું દુશ્ચરિત જણાવે છે.

**દશમી ઢાલ-** અભયકુમાર પ્રભાતે પૌષધ પારી સુસ્થિતસૂરિજીને વન્દન કરવા જાય છે. હાર દેખી વિચારે છે કે પૌષધના પ્રતાપે જ હાર મળ્યો. ખુશ થતા થતા શ્રેણિકરાજાને તે હાર સોંપે છે.

**અગ્યારમી ઢાલ-** શ્રેણિકરાજા અભયકુમારને દીક્ષાની રજા નથી આપતા. અભયકુમારના આગ્રહથી રાજા કહે છે- જે દિવસે હું કહું કે જા, જા તારું મોહું ન બતાવીશ, ત્યારે મારી અનુમતિ સમજી લેજે. એક દિવસ ભયાનક ઠંડીના દિવસોમાં કન્યોત્સર્ગધ્યાને રહેલા મુનિ યાદ આવતાં મધ્યરાત્રિએ ચેલણાદેવીના મુખેથી 'તેમનું શું થતું હશે' એવું વચન બોલાયું. શ્રેણિકરાજાને શંકા થઈ, ક્રોધના આવેશમાં અભયકુમારને આદેશ કર્યો- હમણાં જ અન્તેપુર બાઘી નાશ, इत्यादि વર્ણન છે.

**બારમી ઢાલ-** અભયકુમાર દીક્ષા ગ્રહણ કરે છે. સુનન્દા પળ સંયમ લે છે. इत्यादि ચર્ચા સાથે અન્તે પ્રશસ્તિ છે. વિ.સં. ૧૦૦૫માં 'જમ્બૂ'મુનિ થયા હતા. તેઓએ રચેલ 'મણિપતિ રાજર્ષિ' નામનો ગ્રન્થ આજે પણ ઉપલબ્ધ છે. તેમાં

आ पांच मुनिओना कथानक प्राप्त थाय छे.

आ प्रति प.पू.आ.श्री विजयशीलचन्द्रसूरिजीनी संगृहीत हस्तप्रतोमांथी प्राप्त थई छे.

॥६०॥ उपाध्यायश्रीधर्मवर्द्धनगुरुभ्यो नमः ॥

जगगुरु प्रणमुं वीरजिन अधिक भाव मन आणि ।  
 सुपसार्यै जिणरै सहू वंछित चढै प्रमाण ॥१॥  
 गुण साधारा गावतां कर्मनिर्जरा होइ ।  
 सुणतां समकित सुध हुवै कहुं कथानक सोइ ॥२॥  
 सह सुबुधी-सिरसेहरौ अधिक कीया उपगार ।  
 कीरति अभयकुमाररी सह जाणै संसार ॥३॥  
 तसु संबंध संखेपसुं अवर च्यार अणगार ।  
 शिव १ सुव्रत २ धन ३ जोनक ४जु एहना कहुं अधिकार ॥४॥

ढाल-१ मगधदेश श्रेणिकभूपाल एहनी-

एणहिजे जंबूदीपै जाण भरतखेत परसिद्ध प्रमाण ।  
 मगधदेश तिणमाहे मुदै अधिकौ अधिकौ दिन दिन उदै ॥१॥  
 तिहां कुशाग्रपुर पाटण नाम श्रेणिकराजा बहुगुणधाम ।  
 तसु सुत मंत्री अभयकुमार न्यायवंत सहुजन सुखकार ॥२॥  
 इण अवसर रहतां आणंद समवसर्या श्रीवीरजिणंद ।  
 आडंबरसुं श्रेणिकराय वांदण चाल्यौ प्रभुना पाह्य ॥३॥  
 समवसरण जाणे ऊगा सूर प्रातीहारिज आठ पहर ।  
 साचवै पंचाभिगमन सार तीन प्रदक्षिण छै तिणवार ॥४॥  
 बैठौ भूप यथायोग्य देखि जिनवर छै उपदेश विशेष ।  
 गति आगतिना चल्या अधिकार श्रेणिक पूछै निज भवपार ॥५॥  
 स्वामी मूझ वीनति सरदहौ किण गति हुं जास्युं ते कहौ ।  
 भाखै उत्तर श्रीभगवान पामिसि प्रथम नरक दुःखखानि ॥६॥

राजा कहैं हुं सेवक सुद्ध नरक पडुं नही सौ कहौ विद्ध ।  
 कहैं भगवंत निकाचितकर्म न हुवैं किणही भातैं नर्म ॥७॥  
 आउबंध को मेटैं नही प्रथम नरक तिण जाइस सही ।  
 श्रेणिक वलि कहैं वीनति धरौ नरक न जाउं सो विद्ध करौ ॥८॥  
 कहैं जिन, राजा सुणहु निदान दासी कपिला जौ छैं दान ।  
 कालकसूकरीयौ मनरसैं भैंसा मारैं नही पांचसैं ॥९॥  
 ए छैं नरकनिषेधउपाय वांदीनैं घरि आयौ राय ।  
 कपिलानैं कहैं दे तु दान माहरैं छैं बहुला धनधान ॥१०॥  
 ते बोलैं मरणौ ही सही मैं निज हाथे देवौ नही ।  
 कर चाटू बंधायौ तीयैं कहैं हुं न दीयुं चाटू दीयैं ॥११॥  
 नृप कहैं सुणि कालकसूरीया पापैं पेट घणुं पूरीया ।  
 भैंसौ हिव मत मारे कोय ते कहैं ए वातां किम होय ॥१२॥  
 वास्यौ न रहैं सीच्यौ कूप मनसुं मारैं धरैं सरूप ।  
 श्रेणिक वीर वले वांदीया कहा तुहारा दोउं कीया ॥१३॥  
 दानदयाविध सगली लही केवलीए सहु वातां कही ।  
 सुणि श्रेणिक हूऔ दिलगीर वलि तेहनैं संतोषैं वीर ॥१४॥  
 पहिली नरक थकी नीकली मो सरिखौ जिन थाइस रली ।  
 पदमनाभ पहिलौ जिन हुसी श्रेणिक सांभलि हूऔ खुसी ॥१५॥  
 जिन वांदी पुर आवैं जिसैं दीठौ सरवर पासैं तिसैं ।  
 साधुवेसनैं हाथे जाल काढैं माछलीयां तिण काल ॥१६॥  
 कहैं तेहनैं नृप प्रणमी पाय जिनशासन इण कर्म लजाय ।  
 साधु कहैं तडकीनैं वली जोईजैं मुझ इक कांबली ॥१७॥  
 जाण्या तो सरिखा जजमान निंद घणीनैं थोडौ दान ।  
 नृप मीठे वचने सतकार कांबलि दीधी समकितधार ॥१८॥

दोहा-

देव विमासैं दिह्लमैं कीध परीक्षा कर्म ।  
 डिग्गायौ पिण ना डिग्यौ धन राजा दृढधर्म ॥१॥  
 एक परीक्षा वलि करुं नृपति चुकावुं नेट ।  
 साधु संघातैं साधवी पूरे मासे पेट ॥२॥

चौहटा माहे मोलवें सूआवडिरौ साज ।  
 पुरप्रवेश करतां थकां दीठौ श्रेणिक राज ॥३॥  
 अंबाडीथी उतरी पोतैं लागौ पाय ।  
 हवैं जिनशासन हेलणा एकांतैं रहौ आय ॥४॥  
 जिऊं तुहारैं जोइजैं हुं सहू पूरुं हुंस ।  
 कोई जोए न कर्मसुं राजा कहैं इण रुंस ॥५॥  
 हिव ते सुर परतिख हूऔ कहैं एम करजोडि ।  
 धन धन तुं सुध समकिती हवैं कुण ताहरी होड ॥६॥  
 में तुझ परीक्षा कारणैं इतरी कीध उपाधि ।  
 मोटा नरपति माहरौ ए खमजे अपराध ॥७॥  
 दीठौ दरसण देवनौ निःफल न हुवैं नेट ।  
 दुइ गोला नैं हार इक भूप भणी कीय भेट ॥८॥  
 ए हार जब त्रूटिस्यैं मरिस्यैं सांधणहार ।  
 इम कहि सुर हूऔ अदृश्य नृप आयौ गृह सार ॥९॥

ढाल- बीजी-

(सीता तौ रूपैं जाणे आंबा डालैं सूडीही

सीता अति सौहें-एहनी)

अंतेवरमैं आयौ राजा धरि हरख सवायौ हो

सुणिज्यो सुखकारी ।

चेलणानैं दीयौ हार पूरौ धरि तिणसु प्यार हो

सुणिज्यो सुखकारी ॥१॥

दोइ गोला माटीना नंदाराणीनैं दीना हो सुणि० ।

रोस भरी कहैं राणी मुझनैं पिउ ओछी जाणी हो सुणि० ॥२॥

भांड्या बिहुं भडकाई उणमाहि हूई अधिकाई हो सुणि० ।

एक मैं कुंडल पामैं दोइ वस्त्र भला बीजामैं हो सुणि० ॥३॥

नयणे अदभुत निरखी हलफलनैं लीधा हरखी हो सुणि० ।

चेलणा देखी तेह मांगैं नृपसुं धरि नेह हो सुणि० ॥४॥

नृप कहैं दीधौ किम लीजैं अधिकौ तौ लोभ न कीजैं हो सुणि० ।

करणौ नही अतिक्रोध राणी रही मन प्रतिबोध हो सुणि० ॥५॥

हरखैं पहिरैं हार सुंदरि सजनी सिणगार हो सुणि० ।  
 राजानौ मन रंजैं गुण अधिकीनैं कुण गंजैं हो सुणि० ॥६॥  
 इक दिन तूटौ हार मृत पामैं सांधणहार हो सुणि० ।  
 राजा पहड दिरावैं सांधैं ते लख धन पावैं हो सुणि० ॥७॥  
 वात सुणी मणिहारैं मन माहे एम विचारैं हो सुणि० ।  
 हुं निरधन वृद्ध देह परिवारनैं भूख अछेह हो सुणि० ॥८॥  
 लाख दर बक्षौ होई तौ मूआं दुख नही कोई हो सुणि० ।  
 जीवित माहरौ जासी पिण पाछ्ला सोहरा थासी हो सुणि० ॥९॥  
 अधलख पहिली लीधौ ते हार सांधीनैं लीधौ हो सुणि० ।  
 तिण वेला ते मूऔ तिणहिज पुर वानर हूऔ हो सुणि० ॥१०॥  
 फिरतौ निज घर आयौ तिहां जातीस्मरण पायौ हो सुणि० ।  
 बेटा आगलि आवैं लिखि अक्षर वात जणावैं हो सुणि० ॥११॥  
 बाकी मुझ अधलाख नृप दीधौ कैं नही दाख हो सुणि० ।  
 सुत कहैं तुं मूऔ तात अम्हनैं कुण पूछैं वात हो सुणि० ॥१२॥  
 अम्हनैं न दीयैं राय करि तुंहि ज कोइ उपाय हो सुणि० ।  
 रूठौ वानर तेह जोवैं छलछिद्र अछेह हो सुणि० ॥१३॥  
 किणही विधि ल्युं हार इम चितैं लैण प्रकार हो सुणि० ।  
 एक दिन चेलणा राणी जलक्रीडा कारण जाणी हो सुणि० ॥१४॥  
 खूटैं मूंक्यौ हार ले नाठौ कपि तिण वार हो सुणि० ।  
 आणी सुतनैं दीधौ कपि आपणौ कारिज कीधौ हो सुणि० ॥१५॥  
 हार न लाभैं राणी अधिकी दिलगीरी आणी हो सुणि० ।  
 राजा खबर करावैं पिण किहां ही हार न पावैं हो सुणि० ॥१६॥

दोहा-

तेडी अभयकुमारनैं हुकम करैं नरनाह ।  
 किहांहिक हार करौं प्रगट सातां दिवसां माहि ॥१॥  
 नहीतौ तुं पामिसि सजा करि तुं हुकम प्रमाण ।  
 खबर करंतां नगरमैं दिन षट हूआ जाण ॥२॥  
 हार किहां लाधौ नही चितैं अभयकुमार ।  
 आठमिरौ दिन आज छैं ल्युं पोसौ सुविचार ॥३॥

राजें आचारिज तिहां नामैं सुस्थितसूर ।  
 च्यार शिष्य तिण रैं चतुर सेवा करैं सनूर ॥४॥  
 शिव १ सुव्रत २ धन ३ तीन ए जोनक ४ चोथौ जाण ।  
 जिनतुलना करणी करैं आराधैं जिन आण ॥५॥  
 अठ पहुरी पोसौ अडिग कीधौ अभयकुमार ।  
 तिण अवसर तिण प्रहारनौ एह हूऔ अधिकार ॥६॥

ढाल-तीजी-

(चतुर सनेही मोहनां एहनी-)  
 हिव मणिहारैं जाणीयौ हार अछैं मो पासो रे ।  
 अभयकुमार जौ जाणसी तौ करसी कुलनासो रे  
 अरथसुं अनरथ ऊपजै ॥१॥  
 बाप वानरनैं कहैं ए ले जा हारो रे ।  
 डोकरडीरा घरमांहे सीह न मायैं सारो रे अरथसुं ॥२॥  
 भीख मांगिनैं खावसां पिण हारसुं नही कामो रे ।  
 अभयकुमार जो अटकलैं तौ माहरी पाडैं मामो रे अरथसुं ॥३॥  
 वानर हार लेई चल्यौ आयौ षोषधशालो रे ।  
 आप आचारिज बाहिरैं काउसग छैं तिण कालो रे अरथसुं ॥४॥  
 हार सूरिकंठैं ठवी कपि पहुतौ निज ठामो रे ।  
 अभयकुमार पोसामाहे ध्यावैं ध्रम गुणग्रामो रे अरथसुं ॥५॥  
 रातिसमै ससि ऊगीयौ शुभध्यानैं चित राखैं रे ।  
 हाररतन वलि चांदणैं झिगमिग झिगमिग झाखैं रे अरथसुं ॥६॥  
 एक पहुर रजनी गई पहिलौ शिष शिवरायो रे ।  
 करि सज्झाय गुरां कनै वेयावचनैं आयौ रे अरथसुं ॥७॥  
 गुरु काउसगमाहे रह्या कंठैं निरखैं हारो रे ।  
 चितमाहे अतिचमकीयौ ए विधि केण प्रकारो रे अरथसुं ॥८॥  
 उपासरा मै आवतां निसही वीसर भोलैं रे ।  
 मुनि शिवराज मुखैं करी भयं वचन इम बोलै रे अरथसुं ॥९॥  
 अभयकुमार सुणी कहैं क्युं गुरुजी भय केहौ रे ।  
 मो पासैं बैठां थकां उपजैं किम भय एहो रे अरथसुं ॥१०॥

मुनिवर कहैं मुझ मूलगी चीता आई वातो रे ।  
अभय कहैं मुह कनै कहौ सो संबंध सुहातो रे अरधसुं० ॥११॥

दोहा-

उज्जेणीपुरमें वसां बे भाई इक चित्त ।  
क्षत्रिय कुल निरधन घणुं नामैं सिव १ सिवदत्त २ ॥१॥  
दरव-उपावण दुहुं गया सोरठ देस मझार ।  
हाटे विणजां गाममें भोला जिहां नरनारि ॥२॥  
अधिकौ ले ओछौ दीयौ वंचया सगला लोक ।  
करि थापणमोसा कपट रुपीया कीधा रोक ॥३॥  
माहोमाहि कीयौ मतौ दुहुं भाई इकदिल्ल ।  
कुशले घर पहुचां हिवैं न करौ काई ढिल्ल ॥४॥  
चुं प धरीनैं चालीया जोखौ मारग जाण ।  
कडि बांधी नौली वडैं चितैं इण अवसाण ॥५॥  
आधौ तौ लेसी उरौ लघुभाई करि लाग ।  
घात देखिनैं घाउ करि मारुं इणहिज माग ॥६॥  
किणहिक गामैं आइनैं वासौ वसीया रात ।  
बीजैं दिन चाल्या बिहुं प्रगट हूआं परभात ॥७॥  
वडौ कहैं लघुभ्रातनैं सहु धन बेहुं सीर ।  
कडीयां बांधि तुं वासणी हुइ मनमाहि सधीर ॥८॥  
बांधतां लघुभ्रात रैं मनमैं उपनौ पाप ।  
मोटौभाई मारिनैं ए सहु धन ल्युं आप ॥९॥

ढाल-चौथी-

(बाहूबलि चारित लीयौ रे- एहनी-)  
इम चीतवतां आवीयौ रे आगैं सरवर एक ।  
स्नान करण बेहुं सही रे वस्त्र उतार्या विवेक  
सुगुण नर धन अनरथनी खाणि  
सुगुण नर होवैं जिणथी हितहाणि  
सुगुण नर ए कहीया इग्यारमा प्राण

सुगुण नर जे छोडइ तेह सुजाण  
 चतुर नर धन अनरथनी खाणि ॥१॥ आंचली ।  
 नौली ऊंची मुंकिनैं रे सरवर तट बिहुं साथ ।  
 वडौ स्नान पहिली करै रे लघु छैं पूठैं हाथ सगुण० धन० ॥२॥  
 वृद्ध जाणैं मैं लघु भणी रे आणी मारण बुद्धि ।  
 लघुभाई तौ माहरी रे सेव करैं छैं शुद्ध सुगुण० धन० ॥३॥  
 बोल्यौ सरल मनैं करी रे सुणि माहरा लघुभ्रात ।  
 काल्हे मुझ उपजी हुती रे तुझ मारणरी वात सुगुण० धन० ॥४॥  
 साजन वालंभ तुं सही रे पूरव पुण्यैं लाध ।  
 मैं मन अनरथ आणीयौ रे तुं खमिजे अपराध सुगुण० धन० ॥५॥  
 मोनें पिण लहुडौ कहैं रे उपनीथी मति आज ।  
 नौली कडि बांध्यां पछैं रे कहतां आवैं लाज सुगुण० धन० ॥६॥  
 बेहुं कहैं ए पापनौ रे मेल्यौ आपे माल ।  
 जौ ए घरि ले जावसां रे तौ होसी केई जंजालसुगुण० धन० ॥७॥  
 नौली नांखौ झालिनैं रे परही पांणी माहि ।  
 केई दरव कमावसां रे जौ ठां कुशल उछाह सुगुण० धन० ॥८॥  
 कहौ ते धन किण कामरौ रे अनरथ हवैं जिण नेट ।  
 हेम छुरी हैं हाथमैं रे कोई न मारैं पेट सुगुण० धन० ॥९॥  
 बेहुं भाई संबाहिनैं रे नौली नांखी नीर ।  
 बाकौ फाडि बैंगै हुतौ रे मगरमच्छ तिहां तीर सगुण० धन० ॥१०॥  
 उदरमैं तिणरैं ऊतरी रे ते नौली तिण वार ।  
 चित चौखैं बेहुं चालिनैं रे आया निज घरबार सगुण० धन० ॥११॥  
 माता बहिन हुती मिल्या रे हूआ हरखित प्रधान ।  
 खांड घिरत आणि खांतिसुं रे प्रघल कीया पकवान सगुण० धन० ॥१२॥  
 हिव तिण सरवर जायनैं रे धीवर नांख्यौ जाल ।  
 नौलीवालौ माछलौ रे माहि आयौ तिण काल सगुण० धन० ॥१३॥  
 चौहाटामाहे मांडीयौ रे बेचणनैं तिणवार ।  
 माता तिणवेला कहैं रे पुत्रीनैं धरि प्यार सगुण० धन० ॥१४॥  
 बेहुं बेदारैं कारणैं रे कीधा छैं पकवान ।

तुं बाजारैं जाइनैं रे तरकारी काई आण सगुण० धन० ॥१५॥  
 बेटी बाजारैं जई रे मोल लीयौ ते मच्छ ।  
 घरि आणी थाली विचै रे चीरणौ मांड्यो अच्छ सगुण० धन० ॥१६॥  
 मच्छ वनारतां वासणी रे थालीमैं पडी आय ।  
 हेम देखी मन हरखीयौ रे छांनी लीधी छिपाय सगुण० धन० ॥१७॥  
 भीति तणैहि ज आंतरैं रे मा बैठीथी माहि ।  
 सोवन खणकौ सांभली रे चित लेवा हूई चाहि सगुण० धन० ॥१८॥  
 मच्छ विदारतां माहिसुं रे स्युं निकल्यौ कहि साच ।  
 पुत्रीसुं अति भडकिनैं रे बोलैं माता वाच सगुण० धन० ॥१९॥  
 सुता कहैं माहरैं सिरै रे क्युं छैं झूठ कलंक ।  
 तब मायैं बेटी तणै रे दीधौ धाव निसंक सगुण० धन० ॥२०॥  
 भयसुं नौली खिर पडी रे माताइ लीधी तेह ।  
 दोइ भाई म्हे ओलखी रे तेहज नौली एह सगुण० धन० ॥२१॥  
 दुख कारण धन देखिनैं रे छोडी सहु घरबार ।  
 चोखैं चित चारित लीयौ रे संवेग मैं धरि सार सगुण० धन० ॥२२॥  
 सिव मुनि अभयकुमार सुं रे कहैं इम मोठैं साद ।  
 भयकारण धनवारता रे आई मोनैं याद सगुण० धन० ॥२३॥  
 इति वा० कांन्हजीकृतायां चतुष्पदिकायां शिवराजमुनीश्वरकथानकं प्रथमं  
 समाप्तम् ॥



अथ सुव्रतसाधुरभयकुमारस्य पुरतः स्वप्रवृत्तिं ब्रवीति ।

दोहा-

बीजैं पहर गुरां कनै सुव्रत आयौ सीस ।  
 हार देखिनैं हलफृत्यौ ए स्युं कारण ईस ॥१॥  
 पूठौ थानक पैसतां महाभयं कहैं वाणि ।  
 अभय कहैं अणगारजी किसौ महाभय जाण ॥२॥  
 साधु कहैं मुझ घरतणी चीता आई वात ।  
 व्रत लीधौ जिण वासतैं ते सुणिज्यो अवदात ॥३॥

अंग देशमें गाम इक वसुं तठैं हुं वास ।  
 जाति कलंबी जर घणी नारी रूप निवास ॥४॥  
 रंगै उम्पंगैं रहां हिय पूरतां हाम ।  
 पल्लीपति सैं पांचसुं आयौ लुंटण गाम ॥५॥  
 लुंटीनै सगलौ लीयौ माहरा घररौ सार ।  
 तिण खिण चोरांनैं विटल बोली म्हारी नारि ॥६॥  
 जौ थे मोनैं आदरौ राखौ रुडी रंस ।  
 तौ थांहरे साथैं हुवुं पूरौ म्हारी हुंस ॥७॥  
 हुं मुझ घर रैं खूंहणैं छिपि बैठो तिणवार ।  
 कामिणि जाणैं किहांइकैं नाठौ मुझ भरतार ॥८॥  
 चोर लुंटीनैं चालीया सुंदरि लीधी साथ ।  
 लाज लगाम तड्यां पछैं नारी किणरैं हाथ ॥९॥  
 चोरे जाण्यौ नही फछैं वामा ए शुभ वेस ।  
 तरैं जाइ कीधी तुरत पल्लीपतिनैं पेस ॥१०॥

ढाल-पांचमी

(प्रीतम सुणि मोरा-एहनी-)

गाम अम्हारौ फिरि वस्यौ स्त्री विण रहुं तिण ठौर रे सुणिज्यो सुखकारी ।  
 एक दुख नैं हासौ घरे लोक संतावैं जोर रे सुणिज्यो सुखकारी, आंकणी ॥१॥  
 संतावैं परिजन सहू फिट फिट करैं मुझ कोर रे सुणि० ।  
 नारि ही राखि सक्यौ नही माणस नही तुं ढोर रे सुणि० ॥२॥  
 विविध वचन श्रवणे सुणी मुझ जाग्यौ अहंकार रे सुणि० ।  
 चालिनैं गाम चोरांतणैं पहुतौ हुं तिणवार रे सुणि० ॥३॥  
 इक डोकरडीरैं घरैं दिन रहीयौ दुइ च्यार रे सुणि० ।  
 एक दिन मैं बूढी भणी कहीयौ घर-अधिकार रे सुणि० ॥४॥  
 पल्लीपति इण पुरधणी मुझ नारी तसु गेह रे सुणि० ।  
 कहि संदेसौ जाइनैं इक दीनार लैं एह रे सुणि० ॥५॥  
 कहिजे तुझ पति आवीयौ वात कहे तुं वणाइ रे सुणि० ।  
 बूढी पल्लीपतितणी नारीनैं कहे आइ रे सुणि० ॥६॥

एह वचन कहीया उठैं सुंदरि थारौ सामि रे सुणि० ।  
 माहरैं घरि आयौ अछैं सुव्रत जेहनौ नाम रे सुणि० ॥७॥  
 नीसासा नांखैं अछैं दुख थारैं दिलगीर रे सुणि० ।  
 सगलांसुं खिरतौ थकौ नयणे वरसैं नीर रे सुणि० ॥८॥  
 कांडक पघली कामिणी बूढीनैं कहैं आम रे सुणि० ।  
 आज पल्लीपति चालिनैं जासी अलगैं गाम रे सुणि० ॥९॥  
 तुं पतिनैं कहि जायनैं सांझैं आज्यो अवश्य रे सुणि० ।  
 आवी न सकुं हुं उठैं पडीय अछुं परवश्य रे सुणि० ॥१०॥  
 मुझनैं बूढी आयनैं वात कही समझाय रे सुणि० ।  
 पल्लीपति चाल्यौ परौ मुह अंधारौ थाय रे सुणि० ॥११॥  
 नारी पासैं हुं गयौ खरी हई खुस्याल रे सुणि० ।  
 मोसुं प्रेम धरे मिली नजरसुं कीधी निहाल रे सुणि० ॥१२॥  
 दीवा कीधा दुहुं दिसी मुझ बैसाण्यौ पलिंग रे सुणि० ।  
 आगैं बैठी आयनैं चरण धोवैं मुझ चंग रे सुणि० ॥१३॥  
 लाग जोग आयौ भलां प्रीतम जीवन प्राण रे सुणि० ।  
 हुं तुम्ह पगरी पानही बोलैं एहवी वाणि रे सुणि० ॥१४॥  
 केई वात इसी कही पाथरही पथलाय रे सुणि० ।  
 पल्लीपतिनैं चालतां शकुन भूंडा तिहां थाय रे सुणि० ॥१५॥  
 पल्लीपति पूठौ वल्यौ आयौ निज घरबार रे सुणि० ।  
 खोलि किमाड कहैं खडौ पडीयौ करैं पुकार रे सुणि० ॥१६॥  
 पल्लीपति फिरि आवीयौ कामिणि कहैं मुझ आय रे सुणि० ।  
 हुं बोल्यौ मुझनैं परौ छानी ठाम छिपाय रे सुणि० ॥१७॥  
 पलिंग नीचैं घालीयौ खाट पछेडौ संबाहि रे सुणि० ।  
 अंगना बार ऊघाडीयौ आयौ पलीपति माहि रे सुणि० ॥१८॥

ढाल- छठी-

(करम परीक्षाकरण कुमर चलयौ रे- एहनी-)

पल्लीपतिनैं कहैं माहरी पिया रे वारू नेहरी वाहत (वात)

थां आयां विण क्युं करि जावती रे खट मासां सम राति

मौहैं मातौ युं करैं मानवी रे ॥१॥ आंकणी

आवैं माहरौ पति जौ पुरैं रे तौ थे स्युं करौ जास ।  
 कहैं पल्लीपति अति संतोषिनैं रे तुं परही छुं तास मौहैं० ॥२॥  
 नखरा मांड्या सांभलि नारीयैं रे थांहरौ एह सनेह ।  
 माहरैं तौ थेहिज आधार छौ रे दीपैं थां करि देह मौहैं० ॥३॥  
 शय्या नीचैं हुं सगलौ सुणुं रे कहैं पल्लीपति तास ।  
 इतरा वचन कह्या जे एहवा रे हुं करतौ थौ हास मौहैं० ॥४॥  
 ताहरौ परण्यौ पति आवैं इहां रे सही तसु करुं रे संहार ।  
 नयन संज्ञायैं नारि दिखावीयौ रे मुझनैं दीधी रे मार मौहैं० ॥५॥  
 नीलैं वाध्रहुती मुझ बांधिनैं रे गलीमें दीधौ गुडाय ।  
 सेजैं पल्लीपति सूई रह्यौ रे नारी कंठ लगाय मौहैं० ॥६॥  
 सबलै वाध्र घडीकैं सूकीयौ रे भाजण लागा मौर ।  
 वाध्रनी वासैं कुतरौ आवीयौ रे माहरा वखतनैं जोर मौहैं० ॥७॥  
 कुतरैं मुखसुं बंधण कापीया रे सहु अंग हुआ सरास ।  
 अमरस तौ पिण हुं धरि अंगमें रे पहुतौ पलीपति पास मौहैं० ॥८॥  
 खड्ग पलीपतिनौ कर झालिनैं रे तुरत जगाई नारि ।  
 मो सार्थैं अणबोली चलि परी रे नहीतर जाइस मारि मौहैं० ॥९॥  
 महिला मन विण डरती मरणसुं रे आई माहरैं लार ।  
 चीरखंड नांखंती ते चलैं रे अहिनाण काज विचारि मौहैं० ॥१०॥  
 जब पल्लीपति प्रहसम जागीयो रे नवि देखैं ते नारि ।  
 वाहर चढीयौ परिवारसुं रे सबल रीसैं सिरदार मौहैं० ॥११॥  
 सालू टुकडारा स(अ)हिनाणसुं रे वाहर पहुती आइ ।  
 मुझ घाइल करि नारी ले गयौ रे हुं करतौ हायहाय मौहैं० ॥१२॥  
 रीवां करतौ मोनैं देखिनैं रे आयौ वानर एक ।  
 घसिनैं लेपी घाव ऊपरि जडी रे संरोहणी सुविवेक मौहैं० ॥१३॥  
 घाव समाधि हुआ माहरा सहू रे दूर हूऔ सहु दुख ।  
 पूरव पुण्यतणैं परसादसुं रे सरीरैं हूऔ सुख मौहैं० ॥१४॥  
 टोलीसुं वानर टाल्यौ हुतौ रे वडौ हूऔ थौ औ (और) ।  
 तिणनैं मारी वानरयूथमें रे थाप्पौ मूलगी ठौर मौहैं० ॥१५॥

उसरावण हुं हूऔ उण थकी रे ए करिनैं उपगार ।  
 तौ पिण माहरा मनमें युं रही रे आणुं माहरी नारि मौहैं० ॥१६॥  
 तिहांथी चाल्यौ पल्लीपति घरे रे आधी राति अंधार ।  
 मैं जाइनैं पल्लीपति मारीयौ रे पूरौ दीध प्रहार मौहैं० ॥१७॥  
 नारी लेनैं तिहांथी नीकल्यौ रे आयौ आपणैं गाम ।  
 माहरा कुटुंब हुती आवी मिल्यौ रे करिनैं आयौ काम मौहैं० ॥१८॥  
 नारि आचार इसा हुं निरखिनैं रे जाणी अथिर संसार ।  
 छत्ता कनक नैं कर्मिनि छोडिनैं रे लीधौ संजमभार मौहैं० ॥१९॥  
 चीता आई ते मुझ वातडी रे महाभयं कहुँ वचन ।  
 अभयकुमार कहैं अणगारजी रे धरमी गुरु थे धन मौहैं० ॥२०॥

इति सुव्रतसाधुसम्बन्धः समाप्तः ।

दोहा-

तीजैं पहुँ रतिरैं चेलौ धनौ नाम ।  
 गुरु सेवा करतैं थकैं हार देखि गलैं ताम ॥१॥  
 उपासरामैं आवतां अतिभय कहीयौ तेम ।  
 अभयकुमार कहैं तुहे कहुँ वचन ए केम ॥२॥  
 धनौ कहैं धुरवारता चितमें आई चीत ।  
 अभय कहैं मुझ वारता संभलावौ शुभरीति ॥३॥

ढाल-सातमी-

(आज आणंदा रे- एहनी-)  
 उज्जेणीनगरीतणैं जीव जोवौ रे  
 हुं वसुं एकण गाम करमगति जोवौ रे ।  
 जाण्णी तल क्षत्रियकुलैं जीव जोवो रे  
 धनौ माहरौ नाम करमगति जोवौ रे ॥१॥  
 परण्यौ हुं धारापुरैं जीव० एकदिन मनऊमाह करम० ।  
 स्त्री लेवानैं चालीयौ जीव० एकाकी असि साहि करम० ॥२॥  
 पुररैं पास मसाणमें जीव० सूली दीधौ चोर पाप करम० ।  
 तिण पासैं तिय रोवती जीव० रातैं करैं विलाप करम० ॥३॥

मैं पूछ्यौ तुं मानिनी जीव० रोवैं क्युं ढांकी मुख करम० ।  
 ते कहैं कहीयैं तिण कहैं जीव० जे वंटावैं दुख करम० ॥४॥  
 मैं कह्यौ हुं तुझ दुख हरुं जीव० दिल सुध धीरज दीध करम० ।  
 नारि कहैं पति माहरैं जीव० काइक चोरी कीध करम० ॥५॥  
 कोटवालैं पकडी करी जीव० दीधौ सूली एह करम० ।  
 भोजन ल्याई हुं इण भणी जीव० नारी धरिनैं नेह करम० ॥६॥  
 अति ऊंचौ मुख एहनौ जीव० आपड न सकुं आप करम० ।  
 दे न सकुं मुखि कौलीयौ जीव० तिण हुं करुं विलाप करम० ॥७॥  
 कंध चढाव कृपा करी जीव० कवल देवानैं काज करम० ।  
 तुम ऊंचा मत ताकिज्यो जीव० मोनैं आवैं लाज करम० ॥८॥  
 तजी खड्ग मैं तेहनैं जीव० मैं ऊपाडी कंध करम० ।  
 तिण वेला हूऔ तिहां जीव० सुणिज्यो ते संबंध करम० ॥९॥  
 मो ऊपरि टछकौ पड्यौ जीव० ताक्यौ ऊपरि ताम करम० ।  
 काटि काटि तसु कालिजौ जीव० खाती दीठी वाम करम० ॥१०॥  
 पटकी मैं तेहनैं परी जीव० नाठौ तिहांथी नीठ करम० ।  
 ते असि ले उतावली जीव० पडीज माहरैं पीठ करम० ॥११॥  
 नगर दिसी आयौ निसैं जीव० जीव सबल जंजाल करम० ।  
 दरवाजा आडा दीया जीव० पैठौ हुं पुरनैं पाल करम० ॥१२॥  
 उण वेला ते आपडी जीव० कीधौ मुझनैं घाव करम० ।  
 क्रोधणि तिण काटी लीयौ जीव० पूठा सेती पाव करम० ॥१३॥  
 गृह पोतानैं ते गई जीव० टली मरण मुझ घात करम० ।  
 साचोवारैं देहरैं जीव० रहीयौ हुं तिहां रात करम० ॥१४॥  
 इकतारी हुं आणिनैं जीव० रहीयौ ध्यान विलगि करम० ।  
 देवैं परतख होइनैं जीव० साजौ कीधौ पग्न करम० ॥१५॥  
 तिहांथी ऊठी सासरैं जीव० आयौ पाछिली राति करम० ।  
 बैठी जाडिनैं बारणौ जीव० करैं माहि केई वात करम० ॥१६॥  
 ताकी जोयौ में तिहां जीव० दीसैं दीपक जोति करम० ।  
 माहे मुझ सासू वहू जीव० हरखैं वातां होत करम० ॥१७॥

मांस तली बेहुं मिली जीव० षांतिसुं बेहुं खाय करम० ।  
 पूछैं मा पुत्री भणी जीव० अचरिज अधिकैं आय करम० ॥१८॥  
 बीजा दिन हूँती बहू जीव० मीठौ लागैं मंस करम० ।  
 ताहरैं जम्माई तणौ जीव० पग जाणे परसंस करम० ॥१९॥  
 वातां सुणिनैं विमासीयौ जीव० तेतौ माहरी नारि करम० ।  
 अहो चरित असती तणैं जीव० पामैं कोइ न पार करम० ॥२०॥  
 आणानैं आयौ हुतौ जीव० जीवितसम हुं जाणि करम० ।  
 तिण कुसती लज्जा तजी जीव० पाड्या माहरा प्राण करम० ॥२१॥  
 कालौ मुंह कुनारिनौ जीव० तिहांथी पाछौ भागि करम० ।  
 सुस्थितजीरौ शिष्य हूँऔ जीव० आणी मन वैराग करम० ॥२२॥  
 अतिभय वातां सांभरी जीव० अतिभय कह्यौ वचन करम० ।  
 अभय कहैं अणगारजी जीव० धन्नाजी थे धन्न करम० ॥२३॥  
 इति धन्ना-ऋषीश्वरसम्बन्धस्तुतीयः ।

दोहा-

चौथौ शिष चौथैं पहर सदगुरुनी करि सेव ।  
 कहतौ मुखि भयातिभय आयौ धानक हेव ॥१॥  
 कर जोडी मुह तौ कहैं जोनकजी तुम्हे जाण ।  
 केहौ अम्ह भयातिभय इण निरभय अवसाण ॥२॥  
 चीता आयौ घरचरित साधु कहैं मुझ तेह ।  
 कहैं मुहतौ किरपा करी मुझ संभलावौ एह ॥३॥

ढाल-आठमी-

(नेमिप्रभु माहरी वीनतीजी- एहनी-)

वीतग एहवी वारताजी सांभलौ अभयकुमार ।  
 नयरि उज्जेणि माहे वसैंजी धनदत्तनाम विवहार ॥१॥

वीतग एहवी वारताजी-आंकणी ।

भामिनी तासु भद्रा भलीजी तेहनौ पुत्र हूं तेम ।  
 श्रीमती माहरी सुंदरीजी परम धरती मुझ प्रेम वीतग० ॥२॥

पाउ मुझ धोई पाणी पीयैजी निपट कपट धरै नेह ।  
 मानिनी ते कहैं माहरैजी अधिक मन हुंस छैं एह वीतग० ॥३॥  
 चमरजातीय मृगपुंछनाजी मांस खावा मुझ हुंस ।  
 मैं कह्यौ ते किहां पामीयैजी हाथ आवैं किण रुंस वीतग० ॥४॥  
 नारि कहैं राजगृह नगरीयैजी श्रेणिकरायनैं गेह ।  
 जाइ आणौ तुम्हे जुगतिसुंजी अरज मानौ मुझ एह वीतग० ॥५॥  
 आवीयौ हुंई उतावलौजी राजगृहनगर आराम ।  
 रंगसुं वेसीया तिहां रमैजी मगधसेना तसु नाम वीतग० ॥६॥  
 एक विद्याधर आइनैजी अपहरी ले गयौ वेस ।  
 करैं तब परिजन कूंकवाजी ऊपनौ एह कलेस वीतग० ॥७॥  
 तांणि सर वीधीयौ मैं तिकोजी मगधसेना तजी तेण ।  
 आइनैं ल्यैं मुझ वारणाजी हुं तुझ पगतणी रेणु वीतग० ॥८॥  
 गिणि उपगार गणिका तिणैजी ले गई मुझ भणी गेह ।  
 मुझ भणी पृछीयौ पृठलौजी सरव संबंध ससनेह वीतग० ॥९॥  
 मैं कह्यौ सरल चित्तैं सहूजी अटकल्या तेण आचार ।  
 कपट केलवि करि काढियौजी सील विण ताहरी नारि वीतग० ॥१०॥  
 मैं कह्यौ माहरी मानिनीजी पतिभगती बहु प्रेम ।  
 ते कहैं जो सती हैं हि तू जी काढीयौ पति भणी केम वीतग० ॥११॥  
 इक दिनैं तिहां रहतां थकांजी नगर कोलाहल होइ ।  
 मस्तमातंग छूटौ तिकोजी झालि सकैं नही कोइ वीतग० ॥१२॥  
 तुरत मैं कबज कीधौ तिकोजी जस हूअौ माहरौ जोर ।  
 हुं रहुं हरखि गणिका घरेजी नित करैं भगति निहोर वीतग० ॥१३॥  
 वेस कहैं आज नृप आगलैजी नाटक करिस मनरंग ।  
 तुम्ह पिण वैंसि देखौ तिहांजी आयनैं रायनैं संग वीतग० ॥१४॥  
 मैं कह्यौ हुं नही आवसुंजी ते गई नाटक काज ।  
 मैं जाण्यौ माहरैं कांमरौजी एह अवसाण छैं आज वीतग० ॥१५॥  
 नाटक देखिया सहु गयाजी भूपनैं गृह नही कोइ ।  
 हरिणनौ पुच्छ हरतां थकांजी देखता था जणा दोइ वीतग० ॥१६॥  
 तिण पुरुषे मुझ झालिनैजी आणीयौ राज हजूर ।

नाटकरस रखे भंग हैं जी मुझ बैसाणीयौ दूर वीतग० ॥१७॥  
 वेसीया तुरत मुझ अटकल्यौजी एह तौ माहरौ मीत ।  
 रायमन किणहि विधि रीझवीजी छोडवुं तौ मुझ प्रीति वीतग० ॥१७॥

दोहा-

वेस विविध करि वेसीया हावभाव करि हित ।  
 राजादिक सहु रंजीया चंपकलो हैं चित्त ॥१॥  
 नृपति कहैं पुरनायिका हुं रंज्यौ लयलीन ।  
 जिके ताहरैं जोईयैं मांगि वसत तुं तीन ॥२॥  
 मांगैं गणिका प्रीतिमन इक पहिलौ वर एह ।  
 मांस लीयौ मृगपुच्छनौ तुरत छुडावौ तेह ॥३॥  
 वर बीजैं मुझ एह वर नही बीजासुं काम ।  
 ब्रीजौ वर इण चालतां साथैं जास्युं साम ॥४॥  
 वर दीधा तीने नृपति नाटक परौ निवेडि ।  
 वेश्या आई निज घरे मुझनैं साथैं तेडि ॥५॥

ढाल- नवमी-

(नायक मोह नचावीयौ- एहनी-)

कपटवती ते कामिनी चितमैं आई चीतो रे ।  
 गणिका कहैं तुझ नारिनी चालि दिखावुं रीतो रे ॥१॥  
 कपटवती ते कामिनी- आंकणी ।  
 आवी उतरीया अम्हे उज्जेणी आरामो रे ।  
 रातैं हाथे खड्ग ले हुं आयौ निज धामो रे कपट० ॥२॥  
 ऊपरवाडैं ऊतरी पैठौ मंदिर माहे रे ।  
 मुझ नारी परपुरुषसुं सूती दीठी बेहु रे कपट० ॥३॥  
 नही य खबरि का नीदमैं मैं हणीयौ ते जारो रे ।  
 छांनौ तिहांथी नीकली आयै बाग मझारो रे कपट० ॥४॥  
 जागी पापिणि जोईयौ मार्यौ किण मुझ मीतो रे ।  
 काम नही कूंक्यांतणौ निंदा हुवैं अनीतो रे कपट० ॥५॥

खाड खाणीनैं गाडीयौ रंधाणीनैं पासो रे ।  
 ऊपर कीधौ ओटलौ नाखैं पडी नीसासो रे कपट० ॥६॥  
 मैं आवी गणिका भणी कह्यौ सगलौ अधिकारो रे ।  
 वेश्या कहैं माहरौ कह्यौ साच हूऔ सुविचारो रे कपट० ॥७॥  
 पूठौ आयौ प्रेमसुं राजगृही पुर ठामो रे ।  
 रगैं वेश्यारैं रहुं करुं कुतूहल कामो रे कपट० ॥८॥  
 मातपितारैं मोहसुं आयौ वलि उज्जेणो रे ।  
 मन सूधैं सगला मिल्या हूआ अति हरखेणो रे कपट० ॥९॥  
 रातैं सुणहरैं आयौ निपटज हरखी नारो रे ।  
 अति मौडा क्युं आवीया हुं बोल्यौ तिण वारो रे कपट० ॥१०॥  
 कारण मैं जोईयो मांस किहांई न लद्धो रे ।  
 काम सर्या विण तुझ कनैं आयौ नेह विलुद्धो रे कपट० ॥११॥  
 मन ऊपर लैं माहरी सरव करैं छैं सेवो रे ।  
 चूल्हा पासैं चौतरौ दिल सुध तेहिज देवौ रे कपट० ॥१२॥  
 वस्तु जिकाई वापरैं घरमाहे फलफूलो रे ।  
 पहिली तिणनैं चाडिनैं खाणौं पछैं कछूलो रे कपट० ॥१३॥  
 चरित देखि में चीतव्यौ देखुं इण रौष्यालो रे ।  
 वसत भली वपरांजता पहिली राखुं पालो रे कपट० ॥१४॥

दोहा-

मैं कहीयौ सुणि मानिनी हूई घेवर हुंस ।  
 मुझथी पहिली किणहिनैं देइस तौ तुझ सुंस ॥१॥  
 कर जोडी मोसुं कहैं नेह ऊपरि लैं नारि ।  
 मोहरै तौ मन सुद्धसुं भलौ तिको भरतार ॥२॥  
 घेवर छंटैं ते घरणि हुं पिण बैठौ पास ।  
 थाली लेइ घडा कनैं ताकुं घेवर तास ॥३॥  
 ऊन्हौ घेवर उतर्या मैं कहीयौ मुझ मेलि ।  
 बोलैं हाथ बली बली घडा ऊपरि छैं ठेलि ॥४॥

मान्यौ वैण न माहरौ केहौ हठ कुनारि ।  
 चाढ्यौ पहिली चौतरैं गाड्यौ छैं कोई जार ॥५॥  
 चंडी सुणि रीसैं चढी हुं पिण नाठौ ऊठि ।  
 ऊकलतौ घृत लेहरौ नांख्यौ माहरैं पूठि ॥६॥  
 मातपिता घरि हुं गयौ दाधी माहरी देह ।  
 अधिकैं हेत उपाय करि सज्ज कीयौ ससनेह ॥७॥  
 मैं दीठा महिलातणा एहा चरित अनेक ।  
 वैंरागैं मन वालिनैं व्रत लीधौ सुविवेक ॥८॥  
 चीता आई ते दशा माने तुं मंत्रीस ।  
 भणीयौ तेण भयातिभय कारण विसवावीस ॥९॥

ढाल-दशमी-

(मनगमतौ साहिब मिल्यौ- एहनी-)

संबंध च्यारारा सुण्या धरतां इम ध्रमध्यानो रे ।  
 परभातैं हिव पारीयौ पोसौ अभयप्रधानो रे ॥१॥  
 उपासरासुं ऊठिनैं आयौ अभयकुमारो रे ।  
 आचारिजनैं वंदतां कंठैं दीठौ हारो रे पुण्य० ॥२॥  
 धन आचारिज शिष्य धन लोभ न धरैं लिगारो रे ।  
 तृणमणि सिरखा तेवडैं एहनौ धन अवतारो रे पुण्य० ॥३॥  
 पोसाना परतापथी मैं पिण लाधौ हारो रे ।  
 सहुनैं धरम फलैं सही आणैं जो इकतारो रे पुण्य० ॥४॥  
 दिल सुध सांभलि देसना ते दिन सत्तम जाणी रे ।  
 हार दीयौ श्रेणिक भणी अभयकुमारैं आणी रे पुण्य० ॥५॥  
 चित हरखी अति चेलणा हाथे आयौ हारो रे ।  
 बुद्धिइं अभयकुमार री सोभा कहैं संसारो रे पुण्य० ॥६॥  
 इक दिन अभयकुमारनैं कहैं श्रेणिक महाराजो रे ।  
 सहु पुत्रोमैं सकज(?) तुं लैं हिव माहरौ राजो रे पुण्य० ॥७॥

हिव श्रेणिक राजा भणी बोलैं अभयकुमारो रे ।  
 मो आगैं श्रीवीरजी युं कहीऔ निरधारो रे पुण्य० ॥८॥  
 चरम उदायन राजत्रयषि दीक्षा लीधी सारो रे ।  
 आज पछैं नृप को नही लेस्यैं संजमभारो रे पुण्य० ॥९॥  
 राज न ल्युं तिण वासतैं तुझ वेंरागैं मनो रे ।  
 आपौ मौनैं आगन्या ज्युं चारित ल्युं तन्नो रे पुण्य० ॥१०॥  
 राजा कहैं जीवां अम्हे वसि तां लगि घरवासो रे ।  
 नयणे तुझ निहालतां अम्ह अति होइ उलासो रे पुण्य० ॥१॥

दोहा-

कुमार कहैं सुणि तातजी ए माहरी अरदास ।  
 दीक्षा हुम्कम किणैं दिनैं देख्यै ते परकास ॥१॥  
 राजा कहैं हुं जिण दिनैं जा जा कहि द्युं सीष ।  
 ते अनुमति जाणी करी तिण दिन लेजे दीख ॥२॥  
 अभय विचारैं एहवौ देखुं कोई दाव ।  
 हिव जोड्यौ ते किणविधैं पामैं व्रत प्रस्ताव ॥३॥

ढाल-इग्यारमी-

(गोठलस (सोरठ?) देसे सेत्रुंजैं हाली घरथी इक छकडन घाली रे गोठ०  
 एहनी-)

चित चौखैं चेलणा राणी जिनधरमिणि जग सहु जाणी रे चित०  
 तिण समय अनैं तिण कालैं सबलौ पडैं शीत सीयालै रे चित० ॥१॥  
 पडतैं अतिसबलैं पालैं बहु नीला वनखंड बालै रे चित० ।  
 मुनि ऊभौ इक कउसगैं थिर थंभ ज्युं ध्यान अथगौरै चित ॥२॥  
 वीर वांदि नइ वलतां राणी वंद्यौ ते आदर आणी रे चित० ।  
 वांदी अपणैं घरि आवैं धन धन ते मनमैं ध्यावैं रे चित० ॥३॥  
 उणहिज दिन महलांमाहे सूती नृपसहित उठा हे रे चित० ।  
 रहीयैं इक हाथ उघाडैं जो रैं ठाठरीयौ जाडैं रे चित० ॥४॥

पडैं आज तिको सबलौसी हिव ते किम करतौ होसी रे चित० ।  
 राणी कही वात सभावैं भूपतिरैं मन भ्रम आवैं रे चित० ॥५॥  
 इण कुलटा कुण चीत स्यौ धरि हेत नवौहि ज धार्यौ रे चित० ।  
 मन राखी रीस प्रभातैं जिनवरनैं वांदण जातैं रे चित० ॥६॥  
 कह्यौ अभयकुमारनैं तेडी फूंकि देज्यो अंतेवर मैडी रे चित० ।  
 कहि नृप जिनवंदण पहुतौ मनमांहि विमासैं मुहतौ रे चित० ॥७॥  
 राजा कह्यौ किणहिक रीसैं पिण वात अघटती दीसै रे चित० ।  
 जूनौ सूनौ घर जालैं नृपनी आशा पिण पालै रे चित० ॥८॥  
 वीरजी कहैं उपदेशवाते चेडानी सतीयां साते रे चित० ।  
 राजा जाण्यौ सुणि वाणी मैं भ्रांति अणहुंती आणी रे चित० ॥९॥  
 ऊठ्यौ राजा ततकालैं जाण्यौ रखे अंतेउर जालैं रे चित० ।  
 धुखतौ दीगै तिण धूँऔ नृप जाणैं अनरथ हूँऔ रे चित० ॥१०॥  
 आवंतौ अभयनै दीठौ कह्यौ जा जा परहौ अदीठौ रे चित० ।  
 अंतेउर कुशले राख्यौ भलौ वचन तुम्हे मुझ भाख्यौ रे चित० ॥११॥  
 मुझनैं कह्यौ थौ महाराजा जिण वेला कहां तुं जा जा रे चित० ।  
 तिण वेला दीक्षा लेजे ते लाधौ वचन सहेजे रे चित० ॥१२॥  
 धन धन ते चेलणा राणी जिणनैं श्रीवीर वखाणी रे चित० ।  
 शुभ जिन ध्रमशील अमोलैं कीरतिसुंदर सहु बोलैं रे चित० ॥१३॥

दोहा-

कुमरतणैं अति आग्रहैं अनुमति दीधी राय ।  
 आडंबर करि अति घणा मनमैं हरख न माय ॥१॥  
 वीर जिणसर हाथसुं व्रत ल्यैं अभयकुमार ।  
 नंदामा पिण तेहसुं संयम लीधौ सार ॥२॥  
 पांच वरस दूषणरहित पाली संयम भार ।  
 करि संलेखन ऊपनौ अनुत्तर इक अवतार ॥३॥  
 सुरना अतिसुख भोगवी चविनैं नरभव पामि ।  
 चारित पाली मुगतिपुर लहसि उत्तम ठाम ॥४॥

ढाल-१२-

(आज निहे जौ दीसै नाहलौ - एहनी-) धन्यासिरी रागे-

विधिसुं पांचे मुनिवर वंदीयै सिव सुव्रत सुखकार ।  
 धन धन धन्नौ नैं जोनकजती अभयकुमार अणगार विधिसुं० ॥१॥  
 संबंध छोड्यौ जिण संसारनौ वैरागैं मन वालि ।  
 सुमति-गुपतिधर संवेगी सदा पंचमहाव्रत पाल विधिसुं० ॥२॥  
 जीता जिण बावीस परीसहा दयावंत सुखदाय ।  
 दसविध साधुधरम दीपावता तप करि सोखी काय विधिसुं० ॥३॥  
 अंग इग्यार अरथ अवगाहीया निरमल मन जिम नीर ।  
 चाल्यौ पिण ध्रमथी चूकौ नही मेरु तणी परि धीर विधिसुं० ॥४॥  
 चार कषाय निवार्या चित्तसुं सागर ज्युं गंभीर ।  
 सोमनिजर परमादर हित सही ताक्यौ भवनौ तीर विधिसुं० ॥५॥  
 श्रीश्रेणिक नैं अभयकुमारनौ चरित वडौ विस्तार ।  
 तिहांथी चिहुं साधांनी चौपई कहीं वैराग विचार विधिसुं० ॥६॥  
 मन मान्या मेवा पकवानना अधिक भर्या अंबार ।  
 सहुको रुचि सारु जीमी सकैं ए तिणविध अधिकार विधिसुं० ॥७॥  
 संवत सतरैं गुणसठैं समैं जयतारणिपुर जाण ।  
 चौमासैं श्रीजिनचंद्रसूरिजी भट्टारक कुल भाण विधिसुं० ॥८॥  
 भट्टारकीया खरतर जस भला शाखा जिनभद्रसूरि ।  
 साधुकीरति साधुसुंदर सारिखा पाठक विद्यापूर विधिसुं० ॥९॥  
 विमलकीरति जगि विम्मलचंद ज्युं विजयहरख सुखदान ।  
 श्रीधर्मवर्द्धन राजैं सद्गुरू पाठक सुगुणप्रधान विधिसुं० ॥१०॥  
 गुण साधारा मन सुध गावतां सहु सुख लहीयै सार ।  
 कीरतिसुंदर हैं कान्हजी संघउदय सुखकार विधिसुं० ॥११॥

इति श्री अभयकुमारादिपञ्चसाधूनां चतुःपदी समाप्ता ॥

लिखिता वा० कीर्तिसुन्दरगणिना श्रीरतलाममध्ये ॥

## केटलाक कठिन शब्दोना अर्थ

शब्द	अर्थ	गाथा क्रमाङ्क
साधारा	साधुओना	प्रथम ढाल-दुहा - २
कर्मनिर्जरा	कर्मनो नाश	" " २
समकित	देव-गुरु-धर्म प्रत्ये श्रद्धा	" " २
सुध	शुद्ध	" " २
समवसर्या	पधार्या	प्र. ढाल - ३
पाह्य	पाये-पगे	" " ३
पंचाभिगमन	जिनभगवान के गुरु पासे जतां	" " ३
	आदरवाना ५ नियमो :	
	सचित्त द्रव्यनो त्याग, अचित्त द्रव्यनो अत्याग,	
	एकाग्रता, एकशाटिक उत्तरासंग,	
	प्रभु दर्शन थतां बे हाथ जोडवा.	
निकाचित कर्म	जे कर्म अवश्य भोगववुं ज पडे.	" " ७
केवली	केवलज्ञानी, त्रणे कालना भावने	" " १४
	जोनारा, जाणनारा,	
तडकीर्ने	गुस्से थईने	" " १७
हुंस	इच्छा-होंश	" " ५
भांड्या	फेंक्या	बीजी ढाल- ३
भडकाई	भटकाया	" " ३
सोहरा	सुखी	" " ९
जातीसमरण	पूर्वभवनुं ज्ञान	" " ११
अठ पहुरी पोसौ	श्रावक जीवननी क्रिया (२४ कलाक	त्रीजी ढाल दुहा-६
	माटे सावद्य क्रिया त्यागी साधु	
	जेवुं जीवन) (आठ प्रहरनो पौषध)	
डोकरडी	वृद्धा	" " २
खावसां	जमीशुं	" " ३
पोषधशालो	श्रावकने धर्म आराधना करवानुं स्थान	" " ४
	(पोषाल)	
उपासरा	जैन साधुने धर्म आराधना करवानुं	" " ९

निसही	स्थान (उपाश्रय) सावद्य क्रिया निषेध (जिनमन्दिर- उपाश्रयमां प्रवेश करता आ शब्द बोलाय छे.)	" " ९
दरव उपावण	धन उपार्जन	चोथी ढाल दुहा - २
थांपणमोसा	गिरवे मूकेली वस्तु पडावी लेवी	" " ३
बाकौ फाडि	मोंदु फाडीने	चोथी ढाल - १०
धिरत	घृत (घी)	" " १२
खांतिसुं	खंतथी	" " १२
प्रघल	सुन्दर	" " १२
वनारतां	कापता	" " १७
संवेग	मोक्षनी इच्छा	" " २२
हलफल्याँ	व्याकुल थवुं	पांचमी ढाल दुहा-१
थानक	उपाश्रय	" " २
तड्यां	छेड्या पछी	" " ९
हासौ	उपहास	पांचमी ढाल-१
थारौ	तारौ	" " ७
सांझै	सांजे	" " १०
आज्यो	आवजे	" " १०
बैसाण्यौ	बेसाङ्घो	" " १३
पगरी पानही	पगनी मोजडी	" " १४
पाथरही पथलाय	पथारी पाथरवी	" " १५
छनीठाम	एकान्त स्थान	" " १७
संबाहि	फेलावीने	" " १८
थेहिज	तुं ज	" " ३
गुडाय	नाख्यो	" " ६
वखतनै जोर	भाग्यवशे	" " ७
सरास	शिथिल (?)	" " ८
अमरस	क्रोध - अमर्ष	" " ८
वाहर	सेना, दुकडी	" " ११
सालू	साडी	" " १२

ઠૌર	સ્થાન	" "	૧૫
વંટાવૈં	ભાગ પડાવવો	સાતમી ઢાલ-૪	
આપડ	આંબવું	" "	૭
ટછકૌ	ટુકડો	" "	૧૦
સાચોવાયૈં	(?)	" "	૧૪
ઇકતારી	એકગ્રતા	" "	૧૫
પાડ	પગ	આઠમી ઢાલ-૩	
મુહતૌં	મહેતા-મન્ત્રી	" "	૩ (દુહો)
કૂકવાજી	કૂમાબૂમ, ચીસાચીસ	" "	૭
તિકોજી	તેનો	" "	૮
નિહોર	બહુ, ઘણી	" "	૧૩
કૂક્યાંતણૌ	ચીસાચીસ કરવાનો	નવમી ઢાલ-૫	
ખાડ ખણીનૈં	ખાડો કરીને દાટ્યો	" "	૬
ગાડીયૌ			
સૂળહૈં	શૂન્યઘર	" "	૧૦
ચાઢિનૈં	ચઢાવીને	" "	૧૩
રૌષ્યાલો	ગુસ્સાવાલો	" "	૧૪
સુંસ	સોગંદ	દશમી ઢાલ-દુહા-૧	
દાધી	દાણી-બઢેલી	" "	૭
વિસવાવીસ	વિશ્વમાં શ્રેષ્ઠ	" "	૯
દીક્ષા	સંસારત્યાગ	દશમી ઢાલ-૧	
આગન્યા	આજ્ઞા, અનુમતિ	" "	૧૦
હુમ્કમ	આજ્ઞા, અનુમતિ	અગ્યારમી ઢાલ-દુહા-૧	
ઠાઠરીયૌ	ઠયૌં	અગ્યારમી ઢાલ-૪	
ધુખતૌ	ઠથતૌ-ધખતૌ	" "	૧૦
ગુપતિધર	મન, વચન અને કાયા એ ત્રણ ગુપ્તિને	બારમી ઢાલ-૨	
	ધરનારા		
બાવીસ પરીસહ	સહન કરવા યોગ્ય ક્ષુધા-પિપાસા આદિ	" "	૩
દસવિધ સાધુધરમ	ક્ષાન્તિ મૃદુતા આદિ યતિ ધર્મ	" "	૩